



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj: 01-GV-02-1599/23
Sarajevo, 25.10.2023. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 07/23), Gradsko vijeće Grada Sarajeva, na 32. sjednici održanoj dana 25.10.2023. godine, primilo je k znanju

Informaciju o radu Odbora za organizaciju obilježavanja 40. godišnjice zimskih olimpijskih igara održanih u Sarajevu 1984. godine za period od osnivanja Odbora do 6.10.2023. godine.

PREDSJEDAVALJUĆI GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

*Odbor za organizaciju obilježavanja 40. godišnjice
Zimskih olimpijskih igara održanih u Sarajevu 1984. godine*

*INFORMACIJA O RADU
ODBORA ZA ORGANIZACIJU OBILJEŽAVANJA 40. GODIŠNJICE ZIMSKIH
OLIMPIJSKIH IGARA ODRŽANIH U SARAJEVU 1984. GODINE ZA PERIOD OD
OSNIVANJA ODBORA DO 6.10.2023. GODINE*

Sarajevo, septembar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Broj: 04/OO-GV-02-1420-6/23

Datum: 06.10.2023.godine

Na osnovu člana 4. Odluke o formiranju Odbora za organizaciju obilježavanja 40. godišnjice Zimskih olimpijskih igara održanih 1984. u Sarajevu („Službene novine Kantona Sarajevo“, broj 34/23), Odbor za organizaciju obilježavanja 40. godišnjice Zimskih olimpijskih igara održanih 1984. u Sarajevu i Zaključka Odbora za organizaciju obilježavanja 40. godišnjice Zimskih olimpijskih igara održanih 1984. u Sarajevu, broj 04/OO-GV-02-1420-5/23, od 4.10.2023. godine, podnosi se Gradskom vijeću

Informacija o radu

Odbora za organizaciju obilježavanja 40. godišnjice zimskih olimpijskih igara održanih u Sarajevu 1984. godine za period od osnivanja Odbora do 6.10.2023. godine

I. Uvod

Zaključkom Gradskog vijeća Grada Sarajeva broj: 01-GV-02-831-1.1/23 od 31.05.2023. godine, Gradsko vijeće Grada Sarajeva zadužilo je predsjedavajućeg Gradskog vijeća da, u ime Grada Sarajeva, pokrene aktivnosti na formiranju organizacionog odbora manifestacije obilježavanja 40. godišnjice ZOI 1984. Sarajevo.

U cilju pokretanja aktivnosti na realizaciji zaključka, pripremljena je i dana 22.06.2023. godine, održana sjednica Inicijativnog odbora za formiranje odbora za obilježavanje 40. godišnjice ZOI 1984. Sarajevo. U pripremi ova sjednice, Olimpijski komitet Bosne i Hercegovine i subjekti koji u svom djelokrugu imaju aktivnosti vezane za zimske sportove, razmijenili su svoje ideje za osmišljavanje budućeg programa manifestacije i dostavili su prijedloge projekata koje planiraju realizovati u toku sezone 2023/2024. Na sjednici Inicijativnog odbora su pristigli prijedlozi dostavljeni svim učesnicima. Prijedlozi su razmotreni i zatraženo je od subjekata koji nisu dostavili svoje prijedloge, da ih dostave u određenom roku kako bi se već na konstituirajućoj sjednici odbora za organizaciju manifestacije, mogao razmatrati okvirni program manifestacije i kako bi se donošenjem takvog programa stvorili preduslovi za pokretanje određenih aktivnosti. Iz diskusije na sjednici Inicijativnog odbora, ali i u direktnoj komunikaciji s potencijalnim organizatorima pojedinih aktivnosti, sljedeći odgovarajuće strateške i zakonske dokumente, formulisani su ciljevi manifestacije i, u skladu s tim, smjernice za izbor sadržaja budućeg programa.

Pored navedenog, izvršene su konzultacije s Međunarodnim olimpijskim komitetom, s ciljem regulisanja prava i obaveza Grada Sarajeva kao domaćina ZOI 84 i organizatora obilježavanja 40. godišnjice ZOI 84 i Međunarodnog olimpijskog komiteta kao organizatora ZOI 84. Iz ovih susreta su proizašle smjernice za rad Odbora, u smislu utvrđivanja nedostajućih elemenata za potpisivanje budućeg ugovora, a što je uticalo i na sadržaj rada konstituirajuće sjednice Odbora na kojoj je, između ostalog, već trebalo usvojiti vizualni identitet događaja i donijeti okvirni program manifestacije

Na sjednici Inicijativnog odbora je dogovoren i način kandidiranje članova budućeg Odbora za organizaciju koji bi Gradsko vijeće Grada Sarajeva osnovalo svojom odlukom, te je, na 30. sjednici, održanoj 26.07.2023. godine, Gradsko vijeće Grada Sarajeva je donijelo Odluku o formiranju Odbora za organizaciju obilježavanja 40. godišnjice Zimskih olimpijskih igara održanih 1984. u Sarajevu. Ovom odlukom je Gradsko vijeće zadužilo Odbor da donese Program obilježavanja 40. godišnjice ZOI 1984 Sarajevo, prati njegovu realizaciju i brine o stvaranju uslova za njegovu realizaciju.

Također, Odbor je zadužen da jednom mjesečno, dostavlja Gradskom vijeću informaciju o svom radu, a da po okončanju projekta, dostavi Gradskom vijeću izvještaj o svom radu i o realizaciji projekta. S tim u vezi, upućuje se Gradskom vijeću i ova informacija.

II. Rad Odbora za period od osnivanja do 6.10.2023. godine

Konstituirajuća sjednica Odbora za organizaciju obilježavanja 40. godišnjice Zimskih olimpijskih igara održanih 1984. u Sarajevu je održana 4.10.2023. godine. U pripremi održavanja ove sjednice, izrađeni su materijala koje je Odbor, odmah po konstituiranju, i razmatrao.

Sjednici se od 25. članova Odbora, imenovanih odlukom Gradskog vijeća, odazvao 21. član.

Sjednica je razmatrala sljedeća pitanja:

- Konstituiranje Odbora za organizaciju obilježavanja 40. godišnjice Zimskih olimpijskih igara održanih 1984. u Sarajevu
- Usvajanje Poslovnika o radu OO 40 - ZOI 84 Sarajevo
- Prezentacija instalacije (memorija obilježavanja godišnjice) s prijedlogom vizualnog identiteta i loga manifestacije
- Razmatranje programa obilježavanja 40. godišnjice ZOI, održanih 1984. u Sarajevu
- Tekuća pitanja.

Konstituiranjem Odbora i usvajanjem Poslovnika o radu Odbora stekli su se uslovi za rad Odbora.

Odbor je, nakon prezentacije, usvojio predloženi vizualni identiteta manifestacije. Prikazan je procesa njegovog razvoja, zasnovanog na idejnom rješenju umjetničke multi medijalne instalacije koja se predlaže za postavljanje u blizini ili u okviru Olimpijskog kompleksa ZETRA kao modula memorije koji potiče na reaktivaciju, reafirmaciju i regeneraciju svega što je domaćinstvo ZOI 84 značilo i danas znači Sarajevu s akcijom danas i poticanjem budućeg aktivizma. Prijedloge je prezentirala Edina Selesković, poznata i priznata, bosanskohercegovačka angažiranu umjetnica, dobitnicu Plakete Grada Sarajeva, koja je u Sarajevu ostavila trag angažovanim djelovanjem ali i promocijom Sarajeva svojim djelima u cijelom svijetu, od New Yorka do Dubai-a.

Usvojeni vizualni identitet manifestacije će se pretočiti u elaborat sa svim potrebnim standardima i uputiti Međunarodnom olimpijskom komitetu na usaglašavanje.

Zatim je usvojen i Okvirni Program obilježavanja 40. godišnjice ZOI održanih 1984. u Sarajevu.

Razmatran je radni materijal u kome su u uvodnom dijelu, navedeni ciljevi manifestacije i smjernice za izbor sadržaja Programa. Ciljevi su zasnovani na strateškim dokumentima zajednice, ali i na zakonskim određenjima. Kao primarni cilj je izdvojeno kratkotrajno, a intenzivno stavljanje Sarajeva u centar medijske pažnje javnosti zainteresovane za olimpijski pokret, zimske i druge sportove, te kulturne i umjetničke događaje s ciljem generiranja razvoja u svim navedenim oblastima i u oblasti, naročito, zimskog sportskog turizma, a time i razvoja u cjelini. Među smjernicama za izbor sadržaja programa, izdvojena je memoriju izvrsnog domaćinstva Grada Sarajeva i organizacije olimpijskih igara prije 40 godina, ali i drugih domaćih i međunarodnih takmičenja, uključujući EYOF 2019, te prikupljanje i memorija, a zatim periodična inovacija – informacija o Sarajevu, o sportskim borilištima i rekreativnim poligonima za zimske sportove, smještajnim kapacitetima, komunalnoj i komunikacijskoj infrastrukturi te drugim potrebnim informacijama za prezentaciju grada Sarajeva kao potencijalnog domaćina velikim međunarodnim, sportskim događajima.

Usvojeni okvirni program manifestacije je podijeljen u tri osnovna dijela. Prvi dio čini sportski program, drugi dio modul memorije i promocije i treći – kulturno umjetnički i drugi sadržaji.

Prvi dio – sportski program je sastavljen od događaja koje su predložili savezi zimskih sportova odnosno sportski klubovi i udruženja koja se bave zimskim sportovima, te drugi subjekti u okviru rada Inicijativnog odbora.

Podijeljen je u 4 dijela – takmičarski dio, revijalni program, rekreativni program i edukativni program.

Za sufinansiranje ovog dijela programa planira se izdvajanje sredstava u Budžetu Grada Sarajeva u ukupnom iznosu od 100.000 KM, s tim što će iznosi kojim će se sufinansirati pojedine manifestacije, ovisiti o njihovom doprinosu ostvarivanja ciljeva programa manifestacije, što će navedeni

organizatori dokazivati u aplikaciji koji upute po pozivu Grada Sarajeva za apliciranje za planirana namjenska sredstva. Sufinansiranje će se prije svega, odnositi na elemente promocije programirane manifestacije.

Drugi dio programa čine moduli memorije i promocije. Za realizaciju ovog dijela programa planira se sufinansiranje projekata iz Budžeta Grada Sarajeva, u ukupnom iznosu od 150.000 KM. Elementi ovog dijela programa manifestacije su Akademija u povodu obilježavanja otvaranja Sarajevo ZOI 1984. gdje u organizaciji Grada Sarajeva u saradnji s Olimpijskim komitetom BiH, izrada i postavljanje multimedijalne umjetničke instalacije pod radnim nazivom „Sarajevo Olympic Journey“, te izrada publikacije o razvoju zimskih sportova i obnovu i razvoj borilišta od održavanja ZOI 1984. do sada, u organizaciji JU Gradski muzeji kao i izložba na temu 40 godina ZOI 1984. koju, također, priprema JU Gradski muzeji. Preostale su protokolarnе i ostale promotivne aktivnosti, kao što je pozivanje i domaćinstvo gostima, u čemu će značajnu ulogu imati Olimpijski komiteti BiH. Zaključeno je da će organizatori predložiti Odboru domaće i strane goste koje planiraju pozvati na pojedine događaje u okviru programa manifestacije, čime bi se izbjeglo upućivanje dvostrukih poziva istim predstavnicima međunarodnog i prijateljskih nacionalnih olimpijskih komiteta kao i predstavnika međunarodnih federacija zimskih sportova i istaknutih vrhunskih sportaša i drugih gostiju.

Treći dio Programa – kulturno umjetnički i drugi sadržaji bi trebao proizići kao rezultat javnog poziva koji će Grad Sarajevo raspisati, a gdje bi kriteriji za sufinansiranje bili formulisani na osnovu ciljeva, odnosno smjernica iz ovog Programa. Grad Sarajevo bi izdvojio 100.000 KM za realizaciju ovog javnog poziva. Poziv bi se raspisao odmah po usvajanju izmjena i dopuna Budžeta, a što se planira do kraja ovoga mjeseca.

U četvrtom dijelu je planirano dalje razvijanje programa do kraja 2023. godine, zbog čega je program manifestacije usvojen kao okvirni. Program će se dopuniti novim sadržajima nakon realizacije planiranog javnog poziva, te dobivanja informacija o prikupljenim sredstvima iz drugih izvora, odnosno spremnost pojedinih organizatora za konačnu realizaciju predloženih događaja.

Na kraju su usvojeni zaključci kojima je Odbor uputio prijedloge za izmjene i dopune Budžeta Grada Sarajeva za 2023. godinu, te za planiranje sredstava za realizaciju programa manifestacije u Budžetu Grada Sarajeva za 2024. godinu.

Također, predsjedavajući Odbora je, zaključkom, zadužen da do sljedeće sjednice Odbora, diplomatskom koru u BiH i medijima javnog informisanja predstavi usvojeni okvirni program manifestacije s ciljem uspostavljanja saradnje na njegovoj realizaciji.

Na kraju je predsjedavajući Odbora zadužen da podnese Gradskom vijeću Grada Sarajeva ovu informaciju.

U prilogu informacije su vizualni identite manifestacije i okvirni program manifestacije, usvojeni na Konstituirajućoj sjednici Odbora.

PREDSDJEDAVAJUĆI ODBORA

Jasmin Ademović, s.r.



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

*Odbor za organizaciju obilježavanja 40. godišnjice
Zimskih olimpijskih igara održanih u Sarajevu 1984. godine*

Broj: 04-GV/OO-02-1420-2/23

Datum: 04.10.2023.godine

Na osnovu člana 2. Odluke o formiranju Odbora za organizaciju obilježavanja 40. godišnjice Zimskih olimpijskih igara održanih 1984. u Sarajevu („Službene novine Kantona Sarajevo“, broj 34/23) i člana 2. Poslovnika o radu Odbora za organizaciju obilježavanja 40. godišnjice Zimskih olimpijskih igara održanih 1984. u Sarajevu, broj 04 -GV/OO -02- 1420-1/23, od 04. 10. 2023. godine, Odbora za organizaciju obilježavanja 40. godišnjice Zimskih olimpijskih igara održanih 1984. u Sarajevu, na Konstituirajućoj sjednici, održanoj 04.10. 2023. godine, donio je sljedeću

*ODLUKU
O VIZUALNOM IDENTITETU*

Član 1.
(Predmet odluke)

Ovom odlukom usvaja se vizualni identitet manifestacije obilježavanja 40. godišnjice Zimskih olimpijskih igara održanih 1984. godine u Sarajevu (U daljem tekstu: Vizualni identitet) čiji osnovni izgled je dio ovoga akta te se uređuje se primjena Vizualnog identiteta.

Član 2.
(Primjena Vizualnog identiteta)

Vizualni identitet će se, po usaglašavanju sa Međunarodnim olimpijskim komitetom, primjenjivati na osnovi ugovora sa organizatorima pojedinih aktivnosti sadržanih u Programu obilježavanja 40. godišnjice Zimskih olimpijskih igara održanih 1984. u Sarajevu.

PREDSJEDAVAJUĆI ODBORA

Jasmin Ademović, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba










SARRAJEVO
1984 - 2024











Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

*Odbor za organizaciju obilježavanja 40. godišnjice
Zimskih olimpijskih igara održanih u Sarajevu 1984. godine*

*OKVIRNI PROGRAM
OBILJEŽAVANJA 40. GODIŠNJICE ZOI 1984 SARAJEVO*

Sarajevo, septembar 2023. godine

Adresa: Hamdije Kreševljakovića 3
71000 Sarajevo, BIH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Broj: 04/OO-GV-02-1420-3/23

Datum: 04.10.2023.godine

Na osnovu člana 2. Odluke o formiranju Odbora za organizaciju obilježavanja 40. godišnjice Zimskih olimpijskih igara održanih 1984. u Sarajevu („Službene novine Kantona Sarajevo“, broj 34/23), Odbor za organizaciju obilježavanja 40. godišnjice Zimskih olimpijskih igara održanih 1984. u Sarajevu, na konstituirajućoj sjednici održanoj 04.10.2023. godine donio je

Okvirni program obilježavanja 40. godišnjice ZOI 1984 Sarajevo

1. CILJEVI MANIFESTACIJE

- Kratkotrajno, a intenzivno stavljanje Sarajeva u centar medijske pažnje javnosti zainteresirane za olimpijski pokret, zimske i druge sportove, kulturne i umjetničke događaje
- Povećan broj djece i mladih opredijeljenih zimskim sportovima, povećan broj rekreativaca
- Povećanje broj i vremena boravka turista u zimskoj sezoni u Sarajevu
- Povećan broj i površina sportskih i rekreativnih borilišta, primjereno sportskoj tradiciji i obilježju olimpijskog grada
- Optimalni uslovi za trening i takmičenje vrhunskih sportista u zimskim sportovima tokom cijele godine
- Dostizanje vrhunskih sportskih rezultata u zimskim sportovima
- Povećan broj i kvalitet kulturno umjetničkih i drugih događaja u zimskoj sezoni u Sarajevu
- Etabliranje Sarajeva kao aktivne destinacije olimpijskog pokreta
- Doprinos razvoju vrhunskog sporta u Bosni i Hercegovini i Sarajevu

2. SMJERNICE ZA IZBOR SADRŽAJA PROGRAMA

- Memorija izvrsnog domaćinstva i organizacije olimpijskih igara prije 40. godina, ali i drugih domaćih i međunarodnih takmičenja, uključujući i Evropski olimpijski festivala mladih prije pet godina u Sarajevu
- Promocija vrijednosti olimpijskog pokreta
- Promocija postignutih rezultata domaćih sportista na domaćoj i međunarodnoj sceni i podrška razvoju zimskih sportova u Sarajevu
- Motivacija djece i mladih za bavljenje zimskim sportovima u Sarajevu
- Promocija aktivnih zimskih sportskih borilišta i rekreativnih poligona u Sarajevu i poticanje njihovog daljeg razvoja
- Memorija i promocija postignutih sportskih rezultata u zimskim sportovima na poligonima u Sarajevu na domaćim i međunarodnim takmičenjima

- Motivacija mladih za učešće u organizaciji i realizaciji takmičenja u zimskim sportovima u Sarajevu
- Obogaćivanje sarajevske scene kulturnim, umjetničkim, obrazovnim i drugim angažovanim sadržajima u zimskom periodu, posebno u periodu održavanja zimskih sportskih takmičenja
- Prikupljanje i memorija te periodična inovacija informacija o Sarajevu, sportskim borilištima i rekreativnim poligonima za zimske sportove, smještajnim kapacitetima, komunalnoj i komunikacijskoj infrastrukturi i drugim potrebnim informacijama za prezentaciju grada kao domaćina velikim međunarodnim zimskim sportskim događajima.
- Promocija Sarajeva kao destinacije zimskog sportskog i kulturnog turizma.

3. PROGRAM MANIFESTACIJE

3.1. SPORTSKI PROGRAM

Iznos od 100.000,00 KM se obezbjeđuje u Budžeta Grada Sarajeva za sufinansiranje projekata organizatora pojedinih takmičenja, odnosno događaja.

Iznosi kojima će se sufinansirati pojedine manifestacije u sklopu sportskog programa zavise od doprinosa ciljevima programa manifestacije obilježavanje 40. godišnjice Zimskih olimpijskih igara održanih 1984 u Sarajevu. Sportski program se planiran kako slijedi.

3.1.1. TAKMIČARSKI PROGRAM

- MEĐUNARODNO SKIJAŠKO TAKMIČENJE FIS KUP „DJECA ZA MIR U SVIJETU“
Mjesto održavanja: Olimpijska planina Bjelašnica
Organizator: Sarajevski skijaški klub „Sarajevo“
- MEĐUNARODNO FIS TAKMIČENJE U SNOWBOARDU „FIS KUP SARAJEVO 2024“
Mjesto održavanja: Olimpijska planina Bjelašnica
Organizator: Snowboard klub „Free Style“
- MEĐUNARODNO TAKMIČENJE U UMJETNIČKOM KLIZANJU „SARAJEVO OPEN 2024“
Mjesto održavanja: ZETRA
Organizator: Savez klizačkih sportova BiH

3.1.2. REVIJALNI PROGRAM

- SARAJEVO OLIMPIC WEEK
Mjesto održavanja: Više lokacija
Organizator: Udruženje za sport i rekreaciju „Altair“

3.1.3. REKREATIVNI PROGRAM

- PROMOCIJA KARLINGA KAO NOVOG OLIMPIJSKOG SPORTA U BOSNI I HERCEGOVINI

Mjesto održavanja: u zavisnosti od ledene plohe

Organizator: Karling savez BiH s nekim od klubova

- 3vs3 EX-YU FESTIVAL U HOKEJU

Mjesto održavanja: Skenderija ili ZETRA

Organizator: Hokejaški savez BiH

3.1.4. EDUKATIVNI PROGRAM

- BESPLATNA ŠKOLA KLIZANJA

Mjesto održavanja: Skenderija

Organizator: KJP Centar Skenderija d.o.o.

3.2. MODULI MEMORIJE I PROMOCIJE

Sufinansiranje programa modula memorije i promocija u ukupnom iznosu od 100.000,00 KM će biti obezbjeđeno u Budžeta Grada Sarajeva.

Iznosi kojima će se finansirati pojedini sadržaji u sklopu ovog dijela programa, zavise o doprinosu ciljevima programa manifestacije obilježavanje 40. godišnjice Zimskih olimpijskih igara održanih 1984. godine u Sarajevu.

Elementi ovog dijela programa su sljedeći:

3.2.1. AKADEMIJA U POVODU OBILJEŽAVANJA OTVARANJA SARAJEVO ZOI 84

Organizator: Grad Sarajevo u saradnji s Olimpijskim komitetom BIH

3.2.2. IZRADA I POSTAVLJANJE UMJETNIČKE INSTALACIJE POD NAZIVOM

„SARAJEVO OLYMPIC JOURNEY“

Organizator: Udruženje Kulturamedija

3.2.3. IZRADA I PROMOCIJA PUBLIKACIJE O RAZVOJU ZIMSKIH SPORTOVA TE OBNOVI I RAZVOJU BORILIŠTA OD ODRŽAVANJA ZOI 84. GODINE DO SADA (MULTIMEDIJALNA)

Organizator JU „Gradski muzeji“

3.2.4. IZLOŽBA NA TEMU 40 GODINA OD ZOI 84 (dani otvorenih vrata – Olimpijski muzej)

Organizator JU Gradski muzeji

3.2.5. PROTOKOLARNE AKTIVNOSTI

Pozivanje i domaćinstvo domaćim i stranim gostima da prisustvuju događajima iz programa (predstavnicima Međunarodnog olimpijskog komiteta i nacionalnih olimpijskih komiteta s kojima Olimpijski komitet BiH ostvaruje kontinuiranu saradnju, predstavnicima međunarodnih asocijacija zimskih sportova, sportisti koji su osvojili značajna postignuća u zimskim olimpijskim sportovima, i drugi gosti).

Organizatori: Olimpijski komitet BiH i
Grad Sarajevo

3.3. KULTRNO – UMJETNIČKI I DRUGI SADRŽAJI

Sufinansiranje organizacije ovog dijela programa iz Budžeta Grada Sarajeva se planira u iznosu od 100.000,00 KM.

Navedena sredstva će biti raspoloživa putem javnog poziva koji Grad Sarajevo planira raspisati, uvažavajući ciljeve programa, a naročito stavljanje Sarajeva u centar medijske pažnje javnosti zainteresirane za olimpijski pokret, zimske i druge sportove, kulturne i umjetničke događaje.

4. RAZVIJANJE PROGRAMA

Ovaj program obilježavanja 40. godišnjice Zimskih olimpijskih igara održanih 1984. godine u Sarajevu nije konačan, donosi se kao Okvirni program, te će se dopunjavati i mijenjati po realizaciji planiranog Javnog poziva. Također, podložan je izmjenama do kraja tekuće godine, a u zavisnosti od obezbjeđenja potrebnih uslova i sredstava za realizaciju predloženih projekata od strane organizatora, odnosno ovisno o eventualnim novim projektima te dinamici njihove realizacije.



PREDSJEDAVAJUĆI ODBORA

Jasmin Ademović